

۱۶ رمضان سنه ۱۳۳۶

صالی

۲۵ خزیران سنه ۱۳۳۴

سر تحریری: مصطفی فوزی

صاحب امتیاز و مدیر مسئول حسن کاظم

ملت منانیه - امت اسلامیہ ایچون مفید اولان آثار
صحیفه لر سر آچیقدر درج ایدلمیان اوراق اعاده ایدلن.

مطبوعه و اداره خانه سی: استانبول باب عالی جوارنده
ابوالسود جاده سی: نوسرو ۷۵ اصحاب سراجیه
مرساعت آچیقدر

چریک صوفی

شمدیلک هفته ده بر نشر اولنور

تاریخ تاسیسی ۱۳۲۷ سنه هجری
سنه ۱۰ اعتبارله ممالک شاهانه ایچون پشین
اوله رق ۸۰ آلتی آیلنی ۴۰ فروش
وممالک اجنبیه ایچون ۲۰ فرانقدر

نسخه سی ۶۰ پاره در

تصوفی، دینی، اخلاقی، ادبی، سیاسی جریده اسلامیه در

نوسرو ۱۴۴

مفتشالات

دينك تعريف حقندم

دين نادر بونك بر تعريف مطلق برده مقيد و اردر .
واضحاً اكلا تعلق لازم كليسه دين فكرك قبول ايدوب كيتديكي بر
طريق ذهني ومعنوي در انسانل نصل محل مقصود لرينه واصل اولوق
ايچون ماده اوزون يولاردن سيروسفر ايد يورلر سه روح ده كندينه
خاص اولان بر يولي تعقيب ايد درك غايه اخيره سي اولان كالاته واصل
اولوق و بوضو رتله سعادت ايد يه مظهر اولوق فقط ماده اكرى
بوكرى منحنى مستقيم منكسر غير مستقيم يولار اولديني كهي معنا
ذهنا فكرك تعقيب ايتديكي انفسى يولارده حق باطل ياكاش فاسد
اوله بيلور ايسته بوقدر اديان باطله افكار باطله آرم سنده دين حق
بولوق اديان باطله يي بر طرفه بر اقق خيليجه مستكجه در دهاطوغريسي
هر قفا هر عقل بوني تعريف و تميز ايد ميه جكندن عقل سليم اصحابي
عقل سقيم اربانه حق و حقيقتي تلقين و بيان ايتك لازمدر اديان
موجوده سواييك اكل بولنان دين ميهن احدى نقطه نظرينه كوره
ديني تعريف ايد لم صكرده تاريخ اديان نقطه نظرينه كوره تعريف
ايد لم دين حد داننده ارباب عقولي كندى اختيار محوده لريله خيرلى
اولان جهته سوق ايدن بر وضع الهى در هر درلو اعتراضدن سالم
بولنان شو تعريفه نظر انصافله باقبولر سه اسلاميك درجه علونى
در حال اكلا شيلور ارباب عقول قيدي ايله صبيان و مجانين و يا حق
انكار سبيله مجنون منزله سنده اولانل تعريفدن خارج قاليور كندى
اختيارلر قيديه كوردى كورينه و يا جبراً تغايداً قبول دكل محاكه
ايد درك آرزوى وجدانيه سوه سوه قبول ايتكدر كه اسلاميك حريرت
وجدانه درجه رعائى واضحاً نمايان اوليور بناء عليه اديان سازه
تعريف لرينه وارد اولان اعتراضات بزه وارد اوله ماز خيرلى قيديه
شردن و شرى موجب اولان افكار باطله دن و اعمال قبيحه دن و اعمال
رزيه دن احترازك لزوم وجوبى بيان ايد يور كه ذاتاً ايوا اولان شيلرى
ايشله مك كتو اولان اعمال و افكارى ترك ايتك فلسفه و منطقك و علم
اخلاقك امر ايتديكي شيلردن در . وضع الهى در قيديه شمدي به قدر
يك جوق فلاسفه و متفكرينك دماغلرني يوران نبوت مسئله سنى
قطعيماً بيان ايد يور چونكه عقول بشر مختلف و محدود اولديفندن
بعض خيرلى شيلرى دوشونه بيلسده امور غامضه يي هله نشئه اخرايى
وساير بر طاق مسائل دقيقه يي عالم غيبده نملر اوله جفتي دوشونه ماز
بونك ايچون انسانلرك اعقل بر ذاتى جناب حق پيغمبر اوله رق
كوند رير بونده ده فلسفه انسانلرك هر درلو احتياج لرني بيلد يروب
ترقي و تمايل لرني تأمين ايتكدر خلاصه ديه بيلورم كه بوكونكي شمشعل

مدنيت پيغمبران عظامه مديون شكراندر اكر پيغمبرلر كليب ذه عالم
انسانيتي تنوير ايتسه ايد يلر يكر منجى عصر مدنيتي رينه بيايم حياتي اسكي مو
حياتي حكيم فرما اوله جقدى ذاتاً انسان همز و جهل يوزندن خطايه
دوشوب حيراني اولديني شو عوالمك موجوديني صانعي آرار ايكن
زمان اولمش كه جاداته طابش بر زمان صكره حيوانلره طابش نجومه
طابش صويه آتسه هوايه طوبراغه موجد مسيب ديش
والحاصل ايله ياديني پتله طابش هر درلو مزيتدن عارى شيلره
قارشى عبوديت كوستر مش بر درلو حقيقتي بولنه مامش بوكا ك بيوك
شاهد تاريخدر ديك كه حق و حقيقتي بيله ميان كيمسه لره اوت بتون
بشريت حق ديكر مخلوقات خالقني بيلد يرمك ضلالتدن قورقار مق
ايچون پيغمبران عظامك وجودينه لزوم قطعي و اردر زمان كلش كه
انسانلر تعالى و ترقى صحرالرنده يك بيوك آديملر آتمش لر نجه آثار
ميدانه كيتر مشلر فضائل اخلاقيه رابطه اجتماعيه لرى محور لايقنده
دوران ايتش صكره انبياي عظامك بيان ايتديكي شاهراه سلامتدن
انحراف ايتكدر فضاءل رزائيه عفت، فحشه، استقامت، سقامت، مبدل
اولمش انواع بلايايه مروض قالدق لرني حالد بر درلو اصلاح حال
ايد ميه مشلر حادثات دهر ك بومدهش فحشا يي او كنده عمو اولوب
كيتمشلر در تاريخك بليغ بر صورتده بيان ايتديكي شو فلسفه دن عبرت
آلانلر بر درجه به قدر كند يلرني اضمحلالدن قورقارده بيلمش لر
عبرت بين اوليوب ده عناد و اصرار لرنده ثبات ايدنلرك تدريجاً بيه
اجتماعيلرى انحلال ايدوب تاريخ عمومينك سياه صحيفه لرنده اخذ
موقع ايلمش لر در بونلر هب نه دن تربيه دينيه و اخلاقيه لرنيك نقصايتندن
دكلى ؟ ضلالت فكر به دن : مادي دشمنى كور و بده معنوى دشمن
اولان نفس اماره نك نه مدهش بلكه هيچ متاركه قبول ايتز بر دشمن
اولديني كشف ايد ميه مك اصلاحى چاره لرني آراماق آلا بيلديكنه
نفسك شمولك امر لرينه اطاعت ايتك لكن كونك برنده كندى
سقوطنه شاهد اولوق نفسك زبوني اولديني اكلامق كبرى دونك
ايسته سده نفسك النذن خلاص اوله ميه جفتي اكلا يوب ندامتله
دوشمكدر .

دار الخلافه العلية طلبه سندن

احمد وهبي

مابعدى وار

اجتماعيات

اسماء حسنى شري = اسلام اخلاق

مدرسى

باندردى احمد حلى

محررى

حضرت امام خزانى

۱۴۲ نورولى نسخه دن مابعد :

علم ، قدرت ، سمع ، بصر و كلام صفتلرى كهي واقعا خلق الله

[بتون افعال وحرکاتند و اراده سنده نفس و شهوتی مداخله
ایستدیر میان وهرشیتند حق و حقیقتی ترویجی سبی ایدن ذات انسانلرک
خواص الخواصی اوله جفتند و بو ذاتک البته سعادت فردیه به و بونک
منسوب اولدینی جماعتکده سعادت اجتماعیه نازل اوله جفتند هیچ
شبه یوقدر بویه انسان کامللرک وجودی مدینتک الکیوک عامللرندن در.
چونکه بویه ذاتلر ، قوانین طبیعیه و اسباب کلیه دن تمامیه خبردار
اولدقن مکره مراتب بشریه نک الکیوکسکی اولان ملکیت مرتبه سنکده
اوتنه بیه یکمیش والله تعالی حضرتلرینه تقریب ایتیش مقدس کیمسه لردر.
بونارله بشریت مافوق الطبیعه علومده واقف اولور و مدینت طریق
تکاملده دائما ترقی ایدر کیدر. مترجم.]

السلام

السلام ، ذاتی عیدن . صفاتی نقصدن افعالی شردن سالم
قیلان ذاتدر . اوله ایسه کائناتده کی سلامت الله تعالی حضرتلرینه
معطوف و منحصر آنجق الله تعالی نک کندیندن صادر اولمش اولور.
افعال الهیه شردن سالمدر . بوشردن مقصد لذاته مراد اولنان شر
مطلق اولوب ضمیمه اوشردن اعظم حاصل اوله جق خیر ایچون
اختیار اولنان شر مقید دکلدر . بواعبارله کائناتده شریوق دیمکدر.

تنبيه

قلبی غل و غشدن ، حقه و حسدن ، شری اراده دن و جوارحی
آثام و محظوراتدن و صفاتی انتکاس و انعکاسدن سالم اولان عبدالله
تعالی حضرتلرینه قلب سلیم ایله کلن ذاتدر . ابشته عباددن سلام بوکا
دیرلرکه صفتنده مشیوت اولیان سلام مطلق الهیه به اک یقین اولان
بو ذاتدر . صفاتده انتکاسدن مراد عقلی شهوت و غضبتک اسیری اولان
کیمسه در چونکه حق بونک عکسندن در یعنی شهوت و غضب عقلک
اسیری اولوب آرزوسنه تابع اولمیدر . اکر بو عکس ایدیلورسه
مرضده نکس ایدر . امیر ، مأمور و ملکده عبد اولورسه اوراده
سلامت اوله من . حتی سلام و اسلام ایله توصیف اولنق مسلمون
کندی لسان ویدندن سالم اولان کیمسه به منحصردر . بو تقدیرجه
کندی نفسندن قورتاره میان کیمسه سلام صفتیه فصل توصیف
اولنه بیلیر .

[بوصف شریف ایله انصاف ایدن کیمسه کندی سعادت فردیه سنی
تأمین ایتیش اوله جق کئی مدینت و بشریت ایچونده مکمل بر عضو
اولدقندن بونک امثالی افرادک برهیت اجتماعیه وجود و تکثری
اوهیت اجتماعیه بی سعادت دارینه نازل ایده جکنده هیچ شبه یوقدر.
مدینت حقیقه نک غایه و نتیجه سنی ده بود کیدر. مترجم.]

ما بعدی وار

تعالی دن کندی نقصان صفتلرینی نقی ایدیورلر فقط الله تعالی
حضرتلری اولنرک نقصان صفتلرندن فصل منزله ایسه کال صفتلرندن ده
اوله ججه منزهدر . حتی الله تعالی خلق ایچون تصور اولنان هر صفتدن
منزه وار و صفتلرله اولنره مشابه و مماثل اولان صفتلرندن ده مقدسدر .
اگر بوسفاتک الله تعالی به اطلاق خصوص سنده رخصت وارد اولیه ایدی
بونرک اکثر بسنی الله تعالی به اطلاق جائز اولمزدی .

تنبيه

عبدک قدوسیته کندی اراده و علمنی تنزیه ایتسیدر . صورت
تنزیه : عبد علمنی متخیلات و محسوسات و موهوماتدن و - بهائیکده
مشترک اولدینی - ادراکاتک کلیندن تنزیه ایدردن آجینی : عبدک
متعدد اولان نظری و محدود اولان علمنی تقرب ایدوبده حسن ایله
ادراک اولنقن یا خود اوزاقلاشوبده حسدن فائز اولنقن منزله اولان
امور ازلیه الهیه اطرافنده دائر اولور . بونکده ده آجینی : عبد
کندی نفسنده محسوسات و متخیلاتک کلیندن متجرد و علومدن بر
قسمنه صاحب اولور اودرجه ده که اکر آلت حس و تحلی کندن
صوریلورسه شخصیات متغیره و مستحیله دن غیری اولان معلومات
ازلیه و ابدیه الهیه به متعلق علوم شریفه ایله ریان اولور قالیر . عبدک
اراده سنی تنزیه ککنجه : عبد بونی ده حظوظات بشریه نک ا رافنده
دو نمکدن تنزیه ایدر . حظوظات بشریه : شهوت ، غضب ، بیه جک ،
ایچه جک ، حامع ، آلبه ، کوزل اشیا ، کوزل منظره ودها آله
کچیرله میان فقط قلبدن و حسدن کچیریلن لذتلر دیمکدر . عبدک بونلردن
اراده سنی تنزیه ایتجی آنجق الله تعالی بر مراد ایتجی و حظ و نصیبی
آنجق الله تعالی حضرتلرنده اولمش و عبدک شوق و آرزوسنی آنجق
لقاء الهیه به منحصر اولمش و عبدک فرح و سروری یالکیز الله تعالی
حضرتلرینه تقریدن بشقه شیده اولمه سنی دیمکدر . حتی کندینسنه
بتون جنت و جنتک نعمتلری ویرلسه اسلا التفات ایتمه سنی و بوش
تدو صاحبی برابر اولنقن قناعت ایتمه سنی خصوصیه عبدک بهائیکده
مشترک اولدینی حسن و خیالی ادراکاتک جمله سندن بری اولمش دیمکدر.
بلکه عبدک بونلردن ایلری کچوب خواص انسانیه به - بهائیکده
بولنه میان - حظوظات بشریه و شهوانیه به ترقی ایتجی لایق اولور .
بویه اولنجه : مریدک جلالت قدری کندی مرادینک جلالتیه
متناسبدر . همتی ، آرزوسنی قارننه صوقه جنی شیدن عبارت اولان
کیمسه نک قیمتی او قارنندن حقیقه حق شیدن عبارت اولور . الله
تعالیدن بشقه همتی ، آرزوسنی اولیان کیمسه نکده درجه سنی
کندی همت و آرزوسنی درجه سنده در . علمنی محسوسات ، متخیلات
درجه سندن اوتیه کچیرن و اراده سنی شهواتک مقتضاسندن تقدیس
ایدن کیمسه حظیره قدسک اورتمنه نزول ایتشد .